

樂清縣誌
(光緒)
二

樂清縣志卷之二下

邑里三

叙水

邑北皆山也溪澗爭流山勢所界水亦區分縣城之水
 源出縣後諸山東鄉之水源出白龍窰與左原諸山
 者其經流會於赤水港支流出蒲岐下堡入海源出
 雁蕩以南諸山者一為檉江一為白溪入海源出雁
 蕩東北諸山者皆會於蒲溪入海西鄉之水源出桐
 嶺赤水垵及白石山鮑志作源出縣後山今改正皆會於運河又
 分為眾支河入海叙水先縣城次以東鄉鮑志作次
 以西鄉今

邑里叙水

改西鄉諸水

縣城內外之水

隆慶志城內東西兩渠源出翔雲峰麓經察院之右折而西至縣治前惠

政橋下分東西沿大街兩旁而下至市中心之寶帶河

時有司常為申救不使居民結屋其上淤塞水道而

東西鑿決以通兩溪旱則蓄潦則洩非惟清潔亦防

火患渠上雜植冬青垂柳往來如行翠幃間歲久湮

塞元末方氏吏劉敬存攝邑事濬治深廣於是兩渠

復通仍建寶帶橋其上又濬東小河至白沙以泄溪

流舟楫可通田得灌溉民甚便之今河存而渠塞僅

通涓流而已父老云舊時縣治前一河西通西溪名

龍鬚決以運預備倉糧蓋即此渠也又府底一河

以通運儒學今水洞故存而潛昭坊之東盡為基址

矣國朝乾隆二十八年令林人櫪始濬宣風河三

十一年溪流漲溢三十二年郡守李琬令林人櫪率

邑衿趙總銳等鑿城東河故道五百餘丈分東溪上

流出楊柳丁公二隄以洩暴漲因名新河復於上流

添築月壩東西砌以石其後楊柳丁公隄廢嘉慶二

十二年合劉榮玠重濬寶帶河又率監生徐佳士等

鑿白沙新河引城東新河
下流出牛鼻洞曾氏甃門

城內大河即東溪經流也廣十丈發源於縣治東北諸山

至東溪山懸崖而下匯為三黃井合流而南為東溪

溪上常有雲氣俗名雲溪又名銀溪國朝李琬濬

復東溪記樂清之城前臨運河山環其三面有溪焉

匯山之泉自縣後以達於河城南北各開五洞水門

以導之溪貫城之中謂之中溪夏秋之交山水驟至

溪漲而流潰居人至登閣乘桴以避歲丙戌余因公

事往周郭外而相度之見西有西溪縈繞南下西山

之水入焉至縣後翔雲諸山若屏若障萬壑爭流則

惟中溪受之而又旁無別港以殺其勢故泛濫淫溢

而為此也考之舊志實有東溪及詢諸故老而砂磧

煙蕪無可踪跡咸謂浚復為難余竊以為不然為民

牧者審勞逸決利害即艱鉅於是者猶將勉為况縣

後繞郭而南不過數里平時侯官林君人櫛宰是邑

奮然請以身任程功積事一唱百和及浚將半舊時

橋石見焉益信故道尚存而缺焉終廢者之不可也

既而林君以事去江甯徐君廷獻繼之慮土鬆易圯
添築石礮雖工費稍鉅不數月而東溪以成功告計
自中溪分支以至入河處長五百餘丈面闊三丈底
潤一丈五尺深自一丈至一丈五六尺不等年來交
渠順軌家室安居雖至滌霖怒瀑而不之懼竊幸始
願有成洵樂清人民之利亦一二茂宰之功也雖然
東溪復矣而溪口爲上流所灌注其水盛而時決也
挾石奔沙雜還而至踰時卽淤久仍塞矣是非時濬
不爲功特苦經費無出戊子冬余重過之度負郭溪
畔地可十八畝分十之二爲盤城道路猶有餘地十
四畝又東至後所有隙地十二畝合之得廿六畝募
民之勤而樂業者五人爲浚溪之夫一夫授地五畝
有奇母侵道毋私售毋豪強兼并其有始勤終怠及
物故者另募補之令縣尉董其事方其水降任其及
時樹藝而以其餘洮汰而益深之若山水復發則窮
日之力人各自奮何功不與是五人者食其溪岸種
植之利而去其溪流壅絕之害獨非長久計哉爰申
之令俾沿溪一帶之岸悉植桃李梅杏諸樹數年之
後其根蟠結可以固岸其實蕃衍可以饗果之入補
役夫之所不足而且芳華艷發卽望氣者亦神往於

春城之麗東坡不云乎謀初要百慮善後乃南流逕萬全於是役其甍壘焉因書其始末爲之記
城北塋外橋分一支東流爲城東新河其經流入城逕校士館之前西南流出姜公橋又分一支西流曰宣風河經流又南出孫公橋分一支東流曰永清河經流又南出望萊橋分一支西流曰寶帶河經流又南至大茅衝分一支西流爲運糧河經流又南百餘步分一支西流爲小教場河又分一支東流曰雲浦河經流又南出五洞門爲城南濠河分爲三支一支南流出文明橋與懸浦河通一支東流與城東新河合流而東與白沙河通一支西流出文昌橋與西溪

合流而南為運河

宣風河 自大河出橫逕縣治前惠政橋跨其上西流
出西水洞與西溪通 鮑按宣風河至縣治

前又分東西二小渠沿大街兩
旁直下至市心與寶帶河通

永清河 自大河出東南水洞與城東新河通
南出東南水洞與城東新河通

寶帶河 自大河出橫逕市心前寶帶橋跨
其上下西流出西水洞與西溪通

運糧河 自大河出橫逕潘昭坊北平橋巨其上西流
出運糧洞與西溪通 鮑按隆慶志運糧河

在前郭自西城水
洞東至大茅衙

小教場河 自大河出西流至小教場北折而
西北與運糧河合流出運糧洞

雲浦河 自大河出東流至塔頭橋折而東
南與永清河合流出東南水洞

城東新河 隆慶志 卽東溪支流也自塋外橋分流三
作東河

元橋繞東郭折而南至於南郭與城南濠河即東溪經流

及永清河雲浦河舊城河合流東南行至東塔山下

鄭都溪自東來入焉又東南流至白沙河頭嶺根河

自東來入焉又東南流至白沙東山西與白沙河相

接又東南流至白沙嶺東下山頭河自北來入焉又

東南流至白沙嶺南與白沙新河相接又東南流二

里許沙角河自北來合流東南行三里許至牛鼻洞

分爲二支一支南流出曾氏二隄入海一支東流達

竹巘

舊城河隆慶志在城東一里西

行爲東河東通白沙河

二里 叙水

鄭都溪

出東塔山西流
入城東新河

嶺根河

在都源出嶺根半沙西
流至白沙河頭入新河

白沙河

在都北接城東新
河

下山頭河

在都源出包山鐵場南
流至白沙嶺東入新河

白沙新河

在都嘉慶二十二年監生徐佳圭吳英
純等捐鑿新河長二千七百五丈並接

又東分一支達竹巖鮑按白沙河舊至白沙嶺而
止嗣因嶺東漲壅日廣村民別鑿河引沙角水溉田

不與城河通嘉慶間鑿通二河至竹巖商旅便之但
近來新闢塘田益多地低性鹹競引淡水以養之西

鄉之農每以河水易洩為虞宜令邑內兩鄉父老公
同相度水勢妥議長策務令蓄洩得宜旱

潦有備庶幾行旅農田均有利而無礙矣

沙角河

在都源出珠洋萬東坑諸山南流逕下山
頭東南至沙角又西南與白沙新河合流至

牛鼻洞出曾氏二隄入海

南草垵新河

在后所南門外初南草垵有塗田三千餘畝遇雨水不能遽洩稍旱即涸種者

苦之光緒己卯冬監生徐遇清鄉賓孔廣鴻職員王

紹雲捐開新河計丈五百七十餘丈深一丈五尺濶

三丈

增

南塘村新河

縣城徐嗣蘭捐濬

城西河即西溪也

廣十丈

發源於縣治西北諸山至丹霞

山懸崖而下為雙瀑潭南流出宣化橋東與宣風河

通又南流出倉橋沐簫泉自西來入焉又南流出迎

恩橋東與寶帶河通又南流至運糧洞東與運糧河

通又南流至下馬橋東與東溪

即城南濠河

合流為運河

雙瀑潭

詳在叙山

沐簫泉

詳在叙山

東鄉

二十四十三十四等鄉之水

隆慶志發源黃塘窰與諸溪南流至新市廣七

丈深丈許分注瑞應一鄉溉田十萬餘畝府志國朝雍正六年令唐傳銓以十四都錢家垵十五都南

洋蒲岐等處舊有河道十五里詳請開濬以資灌溉按發源於四都左原者自梅溪楊溪而東為十三

都馬輿河又南出為湖邊河發源於十三都諸山者至黃塘東山出高橋河分一支西南流為雙橋河又

東出孝義橋為大河發源於十七都諸山者自窰與金溪而西經界嶼河連橋河匯於新市河林瑤論云

梅溪 在四都北高山之陽源出左原諸山東流為楊

溪溪口為左湖又東逕湖邊至孫家垵與雙橋河合

流而南為石埭河

增國朝周錫元續題王忠文公後故事逢論柳州王公曾

此快遨頭而今木亦隨
人萎剩有清溪集眾流

石埭河梅溪之水東南流至孫家埭雙橋河自北來
合流而南至石埭為石埭河亦名舊河西流

逕洋灣分一支西流至霞雪又分為二一南流為青
與河一西流為霞雪河石埭河東南流逕下決分一

支東南流至鄔家橋與鄔家橋河西流逕下決分一
支東南流為樸湖石埭河西流逕下決分一

流而南為樸湖石埭河西流逕下決分一
支東南流為樸湖石埭河西流逕下決分一

一支東南流逕西鄭又名西鄭河東流匯於樸湖分
洩保赤嶼頭二隄入赤水港一支西南流逕西洙寮

前與青嶼河合流又西南流里許分一支東流為上
河頭河又西南流至三叉河口分一支東流為下河

頭河又西南至大林又名大河又西南流至永康
堡之東分為二支一支南流出竹嶼東山隄入赤水

港一西流逕堡城北又名竹嶼城河又西至河匯與
賈輿河即霞雪河下流合流南出竹嶼河沿隄入赤

水港按三都四都屬永康鄉全賴石埭河分流灌
溉其源為梅溪及黃塘支流隆慶志又有南岸河

南行東折復旋而西與大
河合流出竹嶼隄入海

河合流出竹嶼隄入海

上河頭河

在三都石埭河青嶼河合流西南行分一支東流為上河頭河又東流至瞿渡與瞿

渡河合流而東又名東河折而西南下河頭河自西來合流出嶼頭隄入赤水港

下河頭河

在三都石埭河青嶼河合流西南行至三

逕馬良折而南與東河合流出嶼頭隄入赤水港

樸湖

殿前河塔橋河石埭河之水合流出鄔家橋二里許為樸湖亦名大河樸湖又分為二支一支

東流逕東鄭又名東鄭河折而南出保赤隄入赤水港一支南流出湖上橋又名仰天湖石埭河自西來

合流而東出保赤隄入赤水港仰天湖又分一支南流逕瞿渡為瞿渡河上河頭河自西來合流而東又

名東河折而西南下河頭河自西來合流出嶼頭隄入赤水港

東河

按隆慶志東河與上河頭河水合流至嶼頭隄入海又有瞿渡河東流入大河今瞿渡南通東

河合為一水矣

青嶼河

石埭河之支流也自霞雪南流至官塘又名

嶼河東南流逕西殊與石埭河合流分洩嶼頭竹嶼

二陡入赤水港

俱出嶼頭隆慶志又有大白墓河小白墓河

官橋河

在三都青嶼河支流也自官橋西流出斜馬橋分為二支一支西北流一支西南流皆入

賈奧河

霞雪河

石埭河之支流也自霞雪西南流至後嶼又

焉霞雪河折而南逕山前又名山前河折而西至賈

奧郭路河西北來入焉官橋河東南來入焉又南流

出賈奧橋委折而南至河匯與泮埭河即石

埭河支流合流出竹與河沿陡入赤水港

紳坊河在三都東南流至

後嶼入霞雪河

郭路河

在三都東南流至

賈奧入霞雪河

黃塘雙溪 在十三都一源出白龍山曰東溪一源出

玳球赤巖硿垵諸山曰西溪至黃塘東山合流出高

橋分一支西南流爲雙橋河黃塘溪又東出孝義橋

爲大河東南流至下村下村河卽窰與河支流自北來入焉

又東南流六里許爲新市河雙橋河自西來入焉又

南流出上新橋分一支西流出殿前橋爲殿前河西

南行里許又分爲二支一爲鄔家橋河一爲杏莊河

新市河又東南流窰與河西南來合流而南出虹橋

文昌橋逕錢家垵南出下新橋眠驢河自東來入焉

新市河又南流至塔橋分一支西流爲塔橋河新市

河又南流出長山後橋又名長山河信奧河自東來入焉又南流出長山前橋分一支西流爲西塘河委折而南出龍江隄入赤水港新市河東南流逕長山之南分一支西流逕埭下出白龍隄入赤水港新市河又東南流里許鳳輿河自東來入焉新市河又東南出感祝橋分一支西流出餘三隄入赤水港新市河又東南逕上侯宅分一支西流爲萬澤河至萬澤而止又東南流逕下侯宅分爲二支一支東流爲周家奧河出鏵鏵隄入海一支繞出蒲岐所城南出下堡隄入海按隆慶志又有嶼門新河塘頭河俱西行出下堡隄入海